



Steingrímur Jónsson.

Rv. 1847.





RÆÐUR,

HALDNAR VIÐ ÚTFÖR

STEINGRÍMS biskups JÓNSSONAR

af

H. G. THORDERSEN

biskupi og R. af D.

ú t g e f n a r

að tilhlutan og á kostnað ekkjunnar.



REYKJAVÍK.

Prentaðar í prentsmíðju landsins, af H. Helgasyni,

1847.

1875

1875

1875

1875

1875

1875

FORMÁLI.

Það viðkomendur óttast fyrir að dráttur kunni að verða á prentun þeirrar lífssögu biskups Steingríms Jónssonar, sem þeir hafa falið á hendur herra *Candid*: og alþingismanni Jóni Sigurðssyni að semja — því allir vita hvað mikið annríki sá maður hefur — þykir til hlýða, að gefa nú strax út á prent þær ræður, sem haldnar voru við útför þess framlidna höfðingja; í hverjum, og einkum þeirri sem haldin var í dómkirkjunni, drepð er á hans æfisögu helztu atriði. Þetta er einna helzt þessvegna gjört, að margir landsmenn vorir hafa spurt eftir æfisögu biskups Steingríms og óskað að eignast hana, eins og þeir einmið með því að eignast hana og lesa, vildu varðveita hjá sjer því leingur hans minningu, það ekki var kostur á að njóta leingur hans návista, nema með hugsaninni, hvers lánga æfi hafði verið öllum svo elskuleg og upphyggeleg, og með hverri hann aflaði sjer þeirrar ástsældar, sem mun vera dæma-fá.

Til þess að svo fallegri ósk landsmanna verði sem fyrst, eftir sem faung eru á, fullnægt, koma nú á prent ániunstar ræður. Sú dagbók, sem biskupinn sál. hjelt frá unga aldri — því í þessu var hann sami reglumaður sem í öllu öðru — er í höndum þess manns, sem falið er að semja fyllri minningu biskupsins sál. hvar til hann hvorki skortir þekkingu nje góðvilja, eins og allir vita, nje nauðsýnleg tilfaung. Þángað til það verk kemur út, verðið þjer kærú landar, að láta yður þessar ræður duga, og mun ekki fyrir yður dyljast hversu snildarlega þær eru samdar.

Ad svo fyrir mæltu er þess eindungis hjér að geta, að útför biskupsins sál. St. Jónssonar framfór þann. 24. Jún. 1845, og vildi þá til blidasta vednr; eingum var hodið að vera við útförina; en mikill fjöldi kom óbedinn og nokkrir úr fjærlægum sveitum; þar voru viðstaddir allir nálægir embættismenn. Geta má þess og þakklátlega, að Frú Kammerherrinna Hopp-e tilhjó sjálf blómstur-krans, til að leggja á líkkistuna. En þótt margir kæmu til að vera við útförina, mundu þó fleiri hafa komið, ef daginn hefðu vitað, hvar um eingin auglýsing út gekk, eða gat útgeingið. Útförin framfór líka nokkrum dögum áður enn í fyrstu var til ætlað, vegna þess að þeir frönsku hermenn, sem um þá daga lágu þremur herskipum á Reykjavíkur höfn, vildu sýna þeim framliðna nokkurn vott þeirrar virðingar, sem þeir höfðu borið fyrir honum lifandi, buðust til að flytja líkið frá Laugarnesi til Reykjavíkur, sem þeir og gjörðu með allri þeirri reglusemi, er þeim er tíð, og viðhöfn, sem svo hátíðlegt tækisæri krefur; en þeir voru hjeðan ferðhúni, og máttu ei biða leingur enn þeim settar reglur höfðu tiltekið; en það virðingarkerki, sem þeir með sjerdeilis ljúfinemsku vildu sýna, þótti tilhlýða að þyggja þakksamlega, og þessvegna var útförinni hraðað, að þeir gætu á tilteknum tíma hjeðan komizt.

Þannig atvikadist það, að eins og líf hins framliðna hafði frá barns aldri í öllum greinum verið hið sómasamlegasta allt til andlátsins í hans hán elli, svo var útförin það líka, ei einasta vegna þess sem nú er minnst á, heldur vegna þeirrar alvörufesni, er var bersýnileg á svip allra sem viðstaddir voru, og vottaði þann söknuð er allir höfðu að bera.



I.

HÚSKVEDJA

Flutt í Laugarnesi 24. Jún. 1845.

Í Jesú nafni.

Hvenær sem jeg kom að undanförunu inni þessi hús voru allir gladdir, allt bar mjér vottum um ánægju, jafnlyndi og rósemi; — aldrei sást að visu nein óstýrilát gleði, heldur vottaði til þess fagnadar, sem frelsari vor talar um þessum orðum: þann fögnuð skal einginn af yður taka. — En, sem jeg nú kem inni þessi hin sömu hús, mætir ñjér ekkert glæðt andlit, allt er sût og barnur, allir eru drjúpir, þegjandi, alvarlegir, sorgbituðir! — Hvað veldur þessari miklu umbreytingu?

Fyrmeir söfnuðnst língað helzt einstöku vinir og kunningjar, eður aðkomandi menn, sem ætíð var fagnað með himi sömu blíðn og góðsemi. — En nú hefur língað þyrpst fjölmenni mikið, svo að hús-in eru orðin full — og eru þau þó næsta mikil — og ámedal þessara eru ekki einúngis landar vorir, heldur og útlendir menn, sem taka einlægau þætt í vorri sorg, og vilja fyrir hvern mun heidra hana með öllu sem stendur í þeirra valdi. — Hvað veldur þessari miklu umbreytingu?

Hinnir voldugustu einsog hinnir annastu, hinnir æztu eins og hinnir lægstu hafa með sorg, söknuði og alvörugefni heyrt þá fregn: að landsins biskup herra Steingrímur Jónsson sje látinn. — Lík hans liggur í þessari kistu, sem hjer stendur einsog sorglegur vottur þess harms, sem ekki einúngis hefur mætt þessu húsi og ætt hins sæla berra, heldur og öllu þessu byggðarlagi, já öllu landinu.

Að vísu var hann kominn á háan aldur, svo að þessvegna þurfti eingum að koma dauði hans óvart, enn hann var þó enn sem óbeygður af ára-fjöldanum, einsog með æskufjöri, ljettur og líflegur bæði á sálm og líkama, svo eiugan grunaði að hann mundi eiga svo skammt eptir, heldur að hann, svo hranstur maður frá æsku, mundi enn þá eiga mörg ár ólífud — eingan sáu menn vott til biggunar, því iðjusemi hans var hin sama til hins síðasta, sama reglusemi og bliðlyndi; umgeingui og viðtal líkt því sem það ætíð hafði verið. — Þannig kom mömum fráfall hans óvart, ekki aldursins vegna, heldur af því hvað hraustur maður hann var, og enn þá vel fær um að gegna öllum skyldum sínum; því köllun sína stundaði hann allt til dauða dags, bæði fyr og seinna, með stökustu iðjusemi og reglusemi. — Guð gaf honum ekki einúngis háan aldur, heldur og að geta unnið meðan dagurinn varaði, þangað til nóttin kom, þá eingum getur aðhafzt.

Hár aldur með góðri heilsu er dýrmæt guðs gjöf, — Guð er það sem gjörir hruman og hraustan. — og iðjusemi er mikilsverð, en — hvort sem maður er ædri eður lægri, og hvar sem maður er settur, eru þó mannkostirnir fyrir mestu. — Uppá hiskupinu sáluga mátti heimfæra þessi ofð ritningarinnar: gráar hærur eru heiðurs-kóróna, þegar þær finnast á réttlætisins vegi. — Það játa

allir sem þekktu hann og höfðu einhver samskipti við hann, og einkum var þetta augljóst öllum þeim sem voru á heimili hans, og þekktu til hans hreytli dagsdaglega — því varla er annað sem betur vitnar um manninn en hans daglega hegðun á heimilinu, því þar sýnir hver sig einsog hann er gjörður; og að þessu ber oss að hyggja áður en sá sæli herra er hafinn út úr því húsi, sem hann sjálfur gekst fyrir að væri hyggt, en sem þó þáði mestan sóma og mestu þrýðina af honum sjálfum, því hann hefur, að jeg taki svo til orða, sjálfur vígt og helgað húsið með hverkyns dygðum sem mannum þrýða í augliti drottins, hæði einsog góður húsfadir, blíður maki, ástríkur faðir, ættarstoð og samvitskusamur embættismaður. Að öllu leyti var hann þrýði hússins og þess máttarstólpi, og það var í þessu sem öðru gæfan sem guð sæmdi hann með, að hann ekki var einsamall, heldur hafði guð gefið honum þá hjálpi sem með honum var, og þau tvö voru eitt; eitt í öllu góðu, í öllum þeim dygðum sem upphygga húsið, sem farsæla þá sem við það eru teingdir, og veita því verðskuldað álit bæði nær og fjær. — Hann hjó undir 20 ár í þessu húsi, og margan mann bar þar að, en einginn kom þangað, og einginn fór þaðan, án virðingar fyrir þeim höfðingja, sem var ljúfur og litillátur eins við vesæla sem völduga, sem eingan ljét hryggan frá sjer fara, heldur leitaðist við að gleðja sjerhvern sem til hans kom, einkum hverri þann, sem hann hjelt að væri harnþrúnginn. — Hann var samur mannvinnur, vildi öllum vel, vildi eingan styggja, og allt vildi hann færa til betra vegar. — Þessa urðu allir varir sem til hans komu og við hann töluðu. — Að visu mætti fara um það mörgum og fögrum orðum, hvílikur maður hann var á heimilinu, og hvílik þrýði hann var þessa húss, en það er svo

alkunnugt, og svo hjartanlega viðurkennt bæði af nákomnum og vandalausum, að það gæti metist einsog óþarfa mælgí, enda þarf ekki orðgyllinga við, þar sem er að mæla eptir svo mikinu og vinsælu mann.

Það er ei tilgáangur minn að þessu sinni, að lýsa nákvæmlega þeim sæla höfðingja, heldur vildi jeg að eins búa oss undir það hátíðlega augnablik, sem fyrir hendi er, þá hinar jarðnesku leyfar þessa merkismanns eiga að flytjast burt úr þessu húsi, hvar hans andi hafði stjórnað svo leingi og svo vel, hvar allir þeir, sem geingu út og inn, fundu sig svo sæla við þá hugsan, að hann — blíðmennið, góðmennið og mikilmennið — væri nálægur.

Hátíðlegt er í sannleika það augnablik, þá merki-
legur húsfadur er látinn, og leyfar hans verða horn-
ar burtu úr hans eigin húsum til að leggjast í reit
hiuna dánu. — Oss verður þá bilt við, og vjer verð-
um viðkvæmir af þeirri hugsan, að það sje nú eins
og hús hans sje oss í eyði látið. — Andinn er í
burtu, ein húsið stendur eptir, og oss finnst það
hrörlegt, líkt og sá líkami sem vjer hefjum út, og
aldrei sjáum vjer betur enn þá þann sannleika: að
það er maðurinn sem tignar húsið.

Ein áður enn þetta lík verður hafið út, finnst
mjer það eiga við — þar sem svo mikill maður er
burtkallaður — að hjer verði eptir sú blessan, af
þeim munni, sem svo opt blessaði enn bölfadi aldrei,
sú blessan, segi jeg, sem ætla má svo góðum og
ástríktum anda. — Að vísu bar dauða hans að brád-
lega, máske fyr enn hann varði sjálfan, en opt
hafði hann hugsað um hann og vel búið sig undir
hann, því allt hans líf var friður, friður við guð,
sjálfan sig og mennina. — Það er þá í augum uppi,
að þvílíkur maður, hefur undir dauða sínum blíðlega

og með kristilegum anda kvaðt og blessað bæði heimiljð og heiminn. — Jeg er ekki sjálfur svo góður, að jeg treysti mér til að leggja honum orð í munn, enn það veit jeg, að allt sem er blíðt, elskulegt, trúfast og kristilegt liggur í þeirri kveðju, sem hann fyrst og fremst hefur sendt þeim ástkæra maka, sem með honum hafði verið í 39 ár, og hvervetna með stillingu, skynsemi, jafulyndi og hjartfólginni ást gjört honum lífið inndælt. — Líka veit jeg, að allt hið sama liggur í kveðju hans til ástkærs einkasonar og elskaðra stjúpbarna og allra annara ættmanna, sem hann var í öllu eins og sannur faðir og, hvað sem á lá, trúfastur og veglyndur aðstoðarmaður. Og svo mikil ást bjó honum í brjósti að jeg er viss um, að hann hefur með blíðu kvaðt alla menn, og að ekki hinn minnsti óvildarneisti hefur náð að kvikna til nokkurs manns í því hjarta, sem svo var rólegt, sáttgjarn, umburðarsamt, og helgað af ástaranda Krists. Enn hið merkilega asta sem kveðja hans bodar, er sú uppörfni sem í henni liggur: að gleyma honum ekki. — Og vissulega mun einginn geta gleymt honum af þeim sem honum stóðn næstir, sem þekktu dygðir hans og voru sjónarvottar að eins breini og reglubundnu og lastvöru lífi. Enn vjer aðrir, sem stóðum fjær, en höfðum þó kynni af honum, getum ei heldur gleymt öðrum eins manni, nafn hans og minning lifir meðal vor í blessan. Jafnvel þeir, sem honum voru ókunnugir, hafa heyrt af honum sagt, en einginn talaði um hann nema það sem gott var, og þótt hann ætti ei annað skilið, þá var það þó meðfram láni hans og hamungja, því guð var með honum allt í frá æsku, og yfirgaf hann ei þegar hann var orðinn gamall.

Það er einsog jeg nauðngur vilji missa sjónar

á þessari líkkistu, sem geymir leyfar þess manns, sem svo verðskuldaði elsku allra og virðingu, en jeg finnst að tíminn nálgast, að jeg hætti að tala; að tíminn nálgast, að jeg lofi öðrum að andsýna hinum framliðna þá virðingu, sem alla langar svo mjög til að veita honum, og færri geta notið en vilja. — Guð varðveiti og blessi alla þá sem harna, hvort sem þeir eru fjær eða nær, hvort sem þeir eru nákomnir eður vandalausir. — Guð huggi alla þá, sem syrgja biskupinn sáluga Steingrím.

Far þú þá vel, þú drottins útvaldi þjón! með hinu heilaga krossmarki kristinna manna, sem táknar vora endurlausn fyrir Jesú Kristi dauða, vil jeg svo sem innvígja þitt hvíluрум — og svo fæ jeg það þeim í hendur, sem eiga að flytja það innihúsið drottins vors — himneski faðir! verði þinn vilji, svo á jörðu sem á himni — Amen.

II.

L Í K R Æ Ð A

flutt í Reykjavíkur dómkirkju 24. Jún. 1845.

Hæðrirötu og heiðruðu tilheyrendur af öllum stjettum, sem hjer eruð nálægir! Náð sje með yður og friður af drottnei vorum Jesú Kristi — Amen.

Það er optást venja, þar sem mæla á eptir merkismenn og höfðingja, að þá er minnst æfi þeirra, og farið yfir merkilegustu kaflá lífsins, og er með svofeldu móti gefin einsog undirstaða sú, sem menn geti byggt á dóm sinn um þann, sem reyndar er geinginn inn fyrir æðra dóm, en sem þó skilur hjer eptir minningu sína, og er hún boudin við æfi hans.

Vjer viljum því stuttlega segja frá æfi biskupsins sál. Steingríms Jónssonar. — Hann fæddist í þenna heim að Mýrum í Skaptafellssýslu, þann 14. Ágúst 1769. Faðir hans, síra Jón Jónsson var þar prestur, og prófastur þar í sýslu, og móðir hans var *Madm.* Helga Steingrímsdóttir, bæði tvö í álitu miklu fyrir dygðir og manukðsti. — Eptir nokkra tilsögn í heimahúsum, var Steingrími komið í skóla, og var hann 2 vetur í Skálholti, þá seinustu sem þar var skólalald, og aðra 2 í Reykjavíkur skóla, hvaðan hann útskrifaðist ár

1788, 19 ára gamall, síðan var hann hjá foreldrum sínum til ársins 1790.

En nú bar það atvik við í lífi hans, er honum sjálfum var ætíð minnisstædt, og sem í ráði gudlegrar forsjónar var það, sem lagði undirstöðuna að öllu hans komanda lífi og lífshögum, en það var það, er himn hálærði og ágæti biskup Dr. Hannes Finnsson tók hann til sín til að þjóna á skrifstofu sinni. Þar var hann í 6 ár, og gat aldrei gleymt hversu mikið hann átti að þakka lærdómi og eptirdæmi þessa ágæta manns, sem aptur að sínu leyti fhekk ást á þeim unglingi sem hafði hvorutveggja til að bera, hæði gáfur og siðprýði og einhverja hina beztu lund. Eptir dauða biskupsins var hann enn 4 ár í húsum ekkjunnar, og kenndi þá börnum hemmar og fleirum. — Ár 1800 sigldi hann til Kaupmannahafnar, og lauk á 3 árum öllum lærdómsprófum, því embættispróf í guðfræði tók hann 1803, með bezta vitnishurði og þó heidri að anki (*laudabilis & quidem egregie*) — og munu fáir hafa leyst eins mikið af hendi og eins vel á jafnstuttum tíma. — Eptir þetta var hann 2 ár í Kaupmannahöfn, og varði hann þá tímum til að leggja sig eptir fornfræði, einkum því, er kæmi við sögu Íslands og ættartölum, þaðaneki tókst hann friviljuglega á hendur skrifarastörf í hinu konúnglega danska kanselii, og æfðist þar í þeim störfum sem síðan ljettu honum svo vel. — Ár 1805 var hann af konúngi kallaður til að vera Lector við skólann á Íslandi, sem þá fluttist úr Reykjavík að Bessastöðum. Stóð hann fyrir því embætti í 5 ár. — Þann 2. Júlí 1806 gíptist hann ekkju biskups sál. Hannesar, og þessi afbragðs kona er nú biskups-ekkja í annað sinn; há-öldruð og veik harmar hún nú ástvin sinn eptir kristilegt og ástúðlegt hjónaband í 39 ár. — Þau

áttu einn son barna, sem nú tregar bezta föður. — Ári 1810 var þeim sæla herra allramildilegast veitt Odda prestakall, og 2 árum seinna varð hann prófastur í Rángár-þingi, og var hann við það embætti í 12 ár, af öllum metum, einsog hann átti skilið, svo sem höfðingi, mesti reglumaður í embætti sínu, og stakur dáiðmaður. — Árið 1823 deyði biskup Geir Víðalín, og þá var ári seinna Steingrímur prófastur Jónsson kallaður biskup, og sigldi hann sama ár, tók biskupsvígslu 2an dag Jóla, og kom svo inn aptur til landsins vorið 1825, og tók við embættinu, sem hann nú hefur stýrt í 20 ár, með hinum mesta sóma, dagnaði og reglusemi, og hefur þetta verið viðurkennt bæði nær og fjær. — Í landi þessu naut hann hvervetna elsku og virðingar, og konungur viðurkendi að hann væri einn af sínum döglegustu embættismönnum; þetta vottaði hann með því að veita honum heiðursmerki fleiri en nokkur annar embættismaður hefur hlotið á Íslandi. — Ári 1828 varð hann riddari af Dannebroke, síðan Dannebrogsmáður ári 1836, og Kommandeur af Dannebr. ári 1842. Árið 1844 var hann og af Frakka-konungi kjörinn riddari af heiðursfylkinginni. Þannig var það af öllum viðurkennt hvílikur maður hann var, — og einsog það var ei viðurkennt um of, svo var það þó lán hans — sem ei anduast öllum — að það viðhljelzt einsog hann átti skilið allt til hans banadægnis. Hann dó þann 14da í þ. m. úr veikindum þeim sem hafa geingið, en sem gripu hann mjög hastarlega, því hann lá ei rúmfastur nema fáa daga. Einhver heilsuhezti maður hafði hann verið alla æfi sína, og sjálfur studdi hann að því með einhverri hinni frábærustu reglusemi í öllum lifuðarhætti. En þar sem hann var kominn á 6ta árið um sjötugt, var aldur hans orð-

inn svo hár, að ei gátu menn búizt við að langt mundi eptir ólifað; og þó gátu menn ei annað enn vænt þess, að hann mundi enn eiga langt eptir, er menn gættu hins, hvað hann, svo gamall maður, var ennþá liflegur, ljettur á fæti og liðugur til alls sem honum bar að gjöra; glaður og fagnaðarsæll við gesti og aðkomandi og sjerhvern sem hann tók tali, einsog úngur enn á áttæðis aldri, og jafn pennaviljugur einsog hann ætíð hafði verið; ánægður með að ganga frá einu til annars; samur við sjálfan sig hvort sem hann var heima eður heiman, í margmenni eður í einveru; ætíð bliður, jafnlyndur, hógvær. Aldrei vottaði hjá honum til sterkra sinnislíðana. Hann sýndist að hafa allar tilfinningar á sínu valdi, og geta stjórnað þeim einsog hann vildi. Jeg hygg það sammæli, að einigi maður hafi sjeð hann reiðast. Kunnugur maður sagði mjer, að öll þau ár sem hann var í Odda, og var hann þá á beztu árum sínum, hafi aldrei sjest að honum þætti fyrir, nema alls einusinni, og þó litillega. — Hann var maður hinn hjartabezti, og tók samnan þátt í raunum annara; en viðkvæmni hans var samt aldrei sár eður veikluleg, svo hann gæti ei stjórnað henni einsog hverri annari tilfinning — Hans innvortis sálarlíf sýndist ætíð rósamlegt, svo hann gat tekið hverju sem fyrirkom með stillingu, og honum var einsog eðlilegt, í hverju máli sem var, að líta á þann bóginn sem helzt gat vakið til rólegrar og stillilegrar hugleiðingar. — Hann leytaði aldrei hins sorglega í atburðum lífsins, heldur alls þess, sem gæti sætt hjarta mannsins við lífið og atburðina í því. — Þegar menn hyggja að öllusaman þessu: heilsu hans frá upphafi, og óhagganlegu sálarrósemi, og svo hans einstöku reglusemi í öllum lífnaðarhatti, þá furðar oss ei á því, þó hann yrði

maður gamall, en nálega fremmr á því, að hann ei varð enn eldri maður.

Þegar jeg á að tala um hann einsog embættismaðnn, þá er hann að vísu mjög svo hafum yfir mitt lof, og kann jeg mäske ei að leggja þar á áreiðanlegan dóm. — En óhætt mun mjér vera að fullyrða, að einginn embættismaður mun hafa getað verið reglubundnari í skylduverkum sínum en hann. — Vjer getum sagt, og mäske með því andkennt að miklu líf biskupsins sáluga, að allt líf hans var reglusemi, svo mikil að ei mun auðvelt að finna marga hans líka. — Það átti ei heima hjá honum að hanu væri reglumáður í sumu, hann var það í öllu. — Svo var hann það í embætti sínu einsog hverju öðru. Skrifstofummi kom hann í beztu reglu, gegndi daglega sjerhverju sem aðbar, svo aldrei safnaðist til, og við þessa reglusemi sameinaði hann ópreytandi iðjusemi, því, þótt hann væri ágætur gáfumaður, veit jeg ei hvort hann var eins fljótvirkur, einsog hann var iðinn og vandvirkur, því aldrei sást neitt eptir hann liggja sem ei væri vandað, og kvað svo mikið að þessu, að hversu sem hann átti annríkt, sá jeg aldrei svo mikið sem illa skrifaðan bókstaf eptir hann — Hef jeg og heyrt það haft eptir ríkisráðunum að allt sem kæmi frá hans hendi væri bæði reglulegt og vel frágeingið. — En hversu mikið sem hann hafði að gjöra, þá var jafnan, ef menn komu til hans, einsog hann hefði eingu að gegna; og — þótt allir viti að á eingri skrifstofu í landinu munu vera öllu meira að rita eður gjöra, þá heyrðist hann samt aldrei minnst á, því síður kvarta yfir, að hann hefði annríki, og sýndist alltið hafa tíma afgangs bæði fyrir kunníngja sína og aðra. — Kom þetta eflaust af iðju- og reglu-semi hans, er notaði sjerhverja stundina sem bauðst. —

En margir sóktu að Langarnesi, og var öllum bæði æðri og lægri, tekið þar opnum höndum, og með einhverri himi mestu gestrisni, sem, ásamt svo mörgum öðrum dygðum, prýddi líf hins ágæta höfðingja og hans jafn-ágætn frúar. Öllu þessu var gegnt, og gegnt með alúð, og þó nógur tíni til að halda öllu, sem embættið snerti, í frábærri reglu. — Bættist þó hjer á ofan búskapur og fólks-hald talsvert. — Því biskupinum sál. var það, einsog annað, vel gefið, að hann var einhver bezti búnaður — og kom fram í því sama reglusemin, þrifnaðurinn og dugnaðurinn, svo að umgeinguin, bæði innan- og utan-bæar, var jafnan með snilli.

Einsog biskupinum sál. var reglusamur, iðinn og vandvirkur í embætti sínu og öllum störfum, svo var hann og, einsog biskupi byrjar að vera, góðsamur og friðsamur. — Jeg held honum hafi fát granið einsog ófriður og á fáu tekið eins hart — enda voru þess eingin dæmi að hann um daga sína ætti í ófriði við nokkurn mann, ljét hann heldur undan og slepti af því sem hann áleit rjett sinn, enn að hann legði til deilu, jeg tala ei um til lagaþrætu; en með þessu ljelt hann þó sínu fram meðan hann gat með góðu, og stundum með nokkru þjettlyndi, en það fannst njer aðdánlegt, hversu hann gat lætt í tækan tíma, svo að aldrei leiddi til óvildar eður ófriðar, þótt hann væri á annari meiningu enn aðrir.

Einsog hann sjálfur hafði hina mestu óbeit á ófriði, svo var honum líka sömu gleði, hvar sem hann gat, að semja til friðar, og má nærri geta, þar sem svo mörg málefni hafa verið undir hann borinn um allt land, að hann með þessu, sem eingum máské er fullkunnugt einsog það var, hafi miklu góðn til vegar komið í embætti sínu. — Það var öllu

Þessu sambóðið, að einginn maður gat verið orðvarari enn hann, ef hann heyrði dæmt um aðra með strángleika; þá leitaði hann jafnan þess, sem gæti miðað til málbóta, og meim heyrðu aldrei að hann tæki nokkurn mann fyrir, til að álasa eður áfella, heldur umbar hann, eptir gnðs orði, breiskleika náunga síns, og jeg get ei minnst þessa orðs: fyrirgefið svo mun yður fyrirgefið verða, án þess að hugsa til þess með viðkvæmni, að af þeim mönnum sem jeg hef þekkt, muni ei allmargir hafa svo haft þetta drottins boðorð fyrir angum sjer einsog biskupinn sálugi, sem jeg aldrei heyrði andmæla nokkrum manni, og heldur afsaka eim ásaka. — Reyndar lofaði hann ei það sem lastverðt var, en ef aðrir löstunðn, þá leitaði hann afbatana, og ef það tjáði ekki, þá hætti hann öllu umtali og ljét það mál niðurfalla svobúið.

Þessi friðsemi og góðsemi var sammarleg dygd í fari hins sæla höfðingja, því hún var helguð og styrkt af kristilegri hugleiðingu; en þessi dygd fann líka fyrir sjer góða jörð í hans upphaflegu lunderni, sem jeg hygg hafi verið eitthvert hið bezta sem jeg hef þekkt: — hann var ekki einúngis jafulyndur, heldur sífeldt glaðlyndur, og svo hefur mjer verið sagt, að haim mætti valla sjá hryggan mann á heimili sínu, en ef svo bær undir, þá leitadist hann við á allar hundir að hafa ofauaf fyrir honum og fá hann aptur glaðan; ef einhverjum vildi sinnast, svo hann yrði viðvar, þá jafnaði hann það strax með einhverju gamni eður spaugi, svo það datt niður við svobúið — hann gekk ámilli allra einsog friðarins eingill. Einsog honum varð sjaldan misdægurt á lík amanum, svo varð honum ei heldur misdægurt á sálunni, hún var ætíð jafulynd, glöð, róleg og stillt. Með þessu dýrmæta hundarlagi hafði hann og þann

eiginlegleika, sem er fágætur hjá jafnöldrudum manni, að hann allt til dauða síns hjelt þeim liðngleika, að geta snúið sjer frá einu til annars, hversu ólíkt sem það var innbyrðis, án þess það sýndist vera honum erfiðt eður leiðt. Jeg fer ei að tala um hvílikur eiginnmaður hann var, faðir, stjóri, afi, aðstoðarmaður ættar sinnar, eður húsbóndi — í öllu þessu var hann fegurst fyrimynd, og það væri að rýra minningu hans, að fara mörgum orðum um það, sem svo er hafið yfir mitt lof.

Þótt biskupinn sál. væri ágætur gáfumaður og iðjumaður einhver hinn mesti, ljét hann þó ei eptir sig ritgjörðir — hugur hans var hvað mest lmeigður til verknadar og starfsemi annarar — samt var hann lærður maður, og einkanlega margfróður, bæði í sögu þessa lands, og einkum í ættartölum, sem hann hafði mesta yndi af, og átti hann af þeim mikið safn, enda var hann talinn einhver ættfróðastur maður hjer á landi, síðan Espólin sýslumaður deyði; hann hafði og gaman af öllu safni, einkum því sem snerti fornöldina, eður kom við sögu landsins og gat á einhvern veg greiðt úr einhverjum vanda-málum — hafði hann t. a. m. safnað miklu og skrifað upp af gömlum máldögum, og mörgu mun hann bæði sjálfur hafa safnað, og hafa eignast eptir biskup Hannes og þá feðga, er snerti Íslands sögu. Landsins kirkjusögu held jeg hann hafi, svo að segja, kunnad utanad, og eingan ætla jeg hafa verið færari um að gjöra grein fyrir því sem á liðnum tímum hefur gjörzt um hagi kirkjunnar — kom í þessu fram laungum hans til allskonar fróðleiks. — Um þetta sama vottuðu ræður hans, sem jafnan voru fróðlegar, og einkum var honum að skapi útskýring yfir orð og meiningu biblíunnar. — Það þótti til afbrygða hvernig hann spurði börn, og lá

honum það, einsög voulegt var, ætíð mjög svo á hjarta, því þetta er bæði mikilsverðt, vandasamt og mjög áriðanda atriði í prestsembættinu.

Nú þótt þessi lýsing hafi máské tekizt miðr enn skyldi, þá veit jeg samt að jeg vildi ei hafa annað fyrir augnum mjer enn sannleikam, og jeg vona að ímynd þessa vors merkilega biskups komi þannig hrein og óspjölluð til þeirra sem ei þekktu hann, en hinir sem hann þekktu munu til vituðshugar um, að hjer er ekkert orð ofhermt — það er hið fagra og ódaudlega við minningu hans að hann lofar sig sjálf.

En þótt mjer væri nú innanhandar, að vera fjöl-ordari um þenna ágæta mann, þá vil jeg ei sýna fordild neina með því að viðhafa meiri orðafjölda enn minnst má vera, þar sem svo miklu máli er að sæta — Og því vil jeg hjer staðar nema.

Þó get jeg ei skilist svo við þenna athúrd, sem bæði mjer og öðrum er svo minnisstæður og viðkvæmur, að jeg einungis snúi augum mínum til þessarar líkistu, til föðurlandsins, til jarðarinnar og hennar hörmunga; mjer er það ósjálfráðt, að jeg einnig við þetta tækifæri verð að líta upp fyrir mig, upp til hans sem ræður manulegu hlutfalli; og jeg þakka það þá af einlægu hjarta guði mínum, sem ekki sviptir þetta land heldur enn önnur sinni varðveizlu, að hann um svo lángan tíma hefur gefið oss eins gott yfirvald, samt að hann af náð sinni gaf honum þrek og krapt fram í andlátíð til að standa í þeim sporum, sem bezt mundi sæma öðrum eins manni, því hann dó sem ungur þótt hann væri gamall. Guði sje lof fyrir líf hans, og líka fyrir dauða hans — því hann lifði einsög hann dó, og deyði einsög hann lifði, svo sem trúlyndur drottins þjón, með kinni sömu rósemi og sálarfriði sem hafði fylgt honum alla hans daga, og

jeg get valla á njer setið, að minnast þess orðs, sem hann mdir dandann sagði við lækurim, sem spurði hann hvernig honum líði, en hann svaraði: „Jeg lifi sem blóm í egg“ — Já, hann lifði einsog blóm fyrir eilífðina, og hann vissi og trúði að eggid mundi brotna, en að af því mundi koma nýtt líf — og þó svo sýndist að hann mælti þessum orðum af nokkurskonar óráði, þá er sú ætlu mín, að hann hafi mælt þau af kemmianulegum anda, af trú-
 uðu hjarta, en þó með því glæðlyndi, sem dandinn og sú þjáning sem honum fylgir gat ei slitid úr svo hreinu og rólegu brjósti. Einsog guð hatði blæss-
 að líf hans svo blæssaði hann og danda hans — svo hann skildi við heiminu einsog sigurvegari; ekki reyndar einsog sá, er geingi í berhogg við heiminu, heldur einsog sá, er sigraði alla mótspyrnu með blíð-
 lyndi og með því að spyrna ei móti broddunum, en hvervetna að sigra sjálfan sig, og um leið heiminn — því það samast jafnan, að „sá sem stjórnað gedi sínu er betri enn sá sem yfirvinnur borgir“, og að sá sem getur haft stjórn á sjálfum sjer, getur líka, sem optast, sigrað aðra, sigrað heiminn — því andinn er falinn innvortis með hverjum sem einum, og hann er það sem sigurinn getur öðlæzt. — Vjer höfum há-
 leggt tilefni til, og gjörum það af hjarta, að lofa guð fyrir líf þessa ágæta manns, sem embættum hafði þjónað meðal vor í 40-ár, með þeim sóma og dugnaði sem var jafn til dandadags; og þó allir viður-
 kenni þetta, þá er þó líklegt að það bæði sje og verði hvað leingst minnistædt andlegrar stjettar mönnum, sem, þar sem hann var, áttu biskup, einsog biskupi byrjar að vera — og söknuður eptir hann er því mikill um allt þetta land; og svo sem vjer tignum hjer útför hans með harmi vorum, svo munu ei síður margir, sem búa á útkjálkum lands þessa,

verða sorgbitur, er þeir frjetta lát þessa vors góða, merkilega og elskaða biskups. Þótt guð setti hann hjer yfir mikið, þá er hann þó nú búinn að setja hann yfir meira, og hann er geinginn til þess stadar, hvar allir drottins trúlynda þjónar, í einum samfjelagi heilagra, munu eilíflega þjóna frammi fyrir guði, og ganga frá einni dýrd til annarar.

Þegar vjer nú virðum fyrir oss hans elskulega, reglubundna, iðjusama, uppbyggilega, lánga, merkilega og samkristilega líf, þá látum oss sagt, að geyma minningu hans í þakklátum hjörtum; enda mun hún ekki deyja hjá oss, börnum vorum eður afkomendum, heldur mun saga lands þessa ætíð með virðingu telja Steingrím Jónsson meðal hinna ágætustu landsins biskupa.

Hátíðlegt er það augnablik, þá þvílíkir menn skilja við heiminn; þá þeirra jarðnesku leifar verða lagðar í jarðarinnar múðurskaot. En þeir sem harna þá, munu huggaðir verða, því eingin huggun gefst meiri eður merkilegri en sú, sem bundin er við lángt, uppbyggilegt og heidarlegt líf — og þessa huggun hafa allir sem nú trega voru sæla biskup.

Kirkjunnar ypparsti prestur og sá sami biskup sálva vorra, Jesús Kristur, hefur nú meðtekið hann í sitt samfjélag, og „fullkomlega rjettlátir andar“ hafa nú fagnað honum í hinni himnesku Jerúsalem; en vjer, sem hann em þá í dimmun dal og dauðans skugga, mænum eptir honum grátnum aegnum, en viljum þó minnast skyldu vorrar við hina dýrmætu leifar, og með mynd hans fagra lífs fyrir augnum oss, viljum vjer nú ganga veginn til grafarinnar, til að sjá hvar og hvernig hann verður lagður — Og vjer viljum að endingu heimfæra þessi orð uppá hinn sáluga: jeg hef barizt góðri baráttu, fullkomnað

skeiðið, varðveitt trúna — að síðustu er mjer af-
 síðis lögð kóróna rjettlætisins, hverja drottinn, sá
 hinn rjettláti dómari, mun gefa mjer á þeim degi.
 Og meðan vjer fylgjum honum til grafarinnar, vilj-
 um vjer biðja guð þess, að vjer megum, þegar þar
 að kemur, leggjast í gróf vora eins vel viðbúnir og
 hann var. — Hann var rjettlátur, þessvegna mun
 minning hans blifa í blessun; hann var trúr, þess-
 vegna mun hann verða settur yfir mikið; hann var
 þreyttur, þessvegna hefur hann nú fundið hvíld
 — Amen.

III.

Minn íngarljóð.



Hjer geymist jörðinni sitt,
 himininn fjekk sitt, þ. 14. júní 1815,
 af hiskupi

STEINGRÍMI JÓNSSYNI,

sem fæddist 14. ágúst 1769,
 varð biskup 12. maí 1824;
 hafði áður verið, frá 1805,
 fyrst Lector í guðfræði,
 svo prestur og prófastur.

Hann giptist 2. júlí 1806

ekkju Hannesar hiskups Finnssonar,
 VALGERDI JÓNSDÓTTUR,

eignaðist með henni einn son,
 en var eins faðir hennar fjöggra barna og barnabarna
 sem síns einkasonar og hús barna.

Æskuár þess framliðna
 gáfu öllum mikla von,
 reyndin varð samt ein meiri.
 Heiðursmerki veittust ríkuglega.
 Með dugnaði, mannægæzku, ljúfnemsku

ávann hann sjer hjörtu allra manna.
 Þegar góðs og mikils mauns, er getið,
 skal hans ætið minnst verða.
 Söknuður landsins er mikill og sár,
 þó ellin væri komin;
 því hún var ekki einasta sómasamleg,
 heldur styrkari enn sumra manna æska.

Minning rjettlátra blifur í blessan.

A. HELGASON.

H. S. E.

Vir immortalis memoriæ
 STEINGRIMUS JONÆUS,
 natus 14. Aug. 1769, den. 14. Jun. 1845,
 publicis muneribus in patria per annos qua-
 draginta functus,
 in his per unum et viginti
 Episcopus Islandiæ dignissimus et vigilantissimus.
 Vir ingenio, doctrina, animi moderatione et con-
 stantia præclarus,
 officii diligentissimus,
 in numeribus obemdis dexterrimus,
 a Rege nostro Augustissimo et Clementissimo,
 Ordinis Dannebrogici cruce aurea et argentea ornatus,
 ejusdemque Ordinis Præfecti honore insignitus,
 a Potentissimo Rege Francogallorum,
 Ludovico Philippo,
 Equitis Legionis Honorariæ titulo et insigni
 cohortatus.
 Qui singulari comitate, humanitate et benevolentia
 omnium hominum, quotquot eum adire configisset,

summorum, infimorum, civium, exterorum,
animos et amorem sibi conciliavit ac devinxit.
Non magis suis, quam patriæ, quam omnibus,
qui imaginem honesti et decori animo conceptam
habent, desideratissimus.

Ignæ mens quantum valeat, facundia quantum
possit, vis patriæ quanta in amore siet,
hoc alii videant. Hic, quam sit amabile virtus
testatum nobis oreque reque dedit.

S. EGILSSONIUS.

Suma grafskript á íslenzku útlögð:

Hjer er jarðaður
maður ódauðlegrar endurninnungar
STEINGRÍMUR JÓNSSON
fæddur 14. ágúst 1769, dáiinn 14. jún. 1845.
Hann sat að embættum í sínu fæðurlandi 40 ár,
21 af þeim var hann
Íslands verðugasti og alúðlegasti biskup.
Maður að gáfum, lærdómi, stillingu og stað-
festu mjög frægur.
Hann vandaði sem bezt mátti sitt embætti,
var hinn laglegasti við verk sínnar köllunar.
Konungur vor sæmði hann
gull- og silfur - krossi dannebrógorðunnar,
gjörði hann og Commandeur sömu orðn.
Frakka konungur bætti þeirri sæmd við
að gjöra hann heiðursflokksins riddara.
Hann var sá maður, er ávann sjer og batt sjer
allra hjörtu og ást þeirra, sem hans fund feingu,
hárra og lágra, innlendra og útlendra,

með staklegri bliðu, mannúðlegleika og góðvild.

Hans sakna ei meir nákomnir,
heldurenn föðurlandið og allir,
er hafa skyn á því, sem er heiðarlegt og
sómasamlegt.

Aðrir líti á það, hversu mikið fjörug sál megni
og mikil málsnild, hvílikur máttur sje í föðurlandsást.

Þessi gaf oss í orði og verki
vott þess, hvað dygðin er elskuverð.

*Annar maður hefur snúið latínu versum þeim,
sem hjer eru á undan, á þessa leið:*

Eldfjörg hverju óðsmennt valdi,
öf málsnild hve mikið gildi,
styrk föðurlands ást hvað orki,
aðrir þetta sjái að rjettu.
En þessi ástsæl hve mæt hmossin?
hreinuð dygðin gerst að reynist,
oss fekk sýnd með ítri vissu
í orði og verki dýrust merki.

X.

Saknaðarljóð

eftir

STEINGRÍM biskup JÓNSSON.

Loks hin er leingi kveið,
lundsárust harnaðregnu,
óvart að eyrum reið;
ört brjóst og hjarta gegn,
biskups lát Steingríms bezta
heitast örfandi hvarma regnu.

Eins mörgum og samber
að hann, sár hrygðarljóð,
yrkja, svo fáum er
óðsnild ljent þau svo góð
gjöra sem verðugt væri;
Ísa þó gersta leiti lóð.

Allt hvað fyr' loflegt er
ágætt og gott með sann,
umkvedið einhvern hjer
mmsjóunar - kristni - mann,
— í hegðan, lærdóm', lífi —
bezt vissi jeg uppá hlýða-hann.

Oflof þrátt ímsum veitt,
ei kann stað finna hjer;
um hann alls naumast neitt
nokkrum svo lofsverðt er,
umnt kveða að oflof irði;
þessum með sannri betur einn ber.

Sá honum samast frá
segir, -er kann það bezt;
hvar því mun hittast sá,
hann við er fulljafnist?
— þó guð margan góðan eigi —
algjör jafnoki seint hans sjest.

Meðan um byggða ból,
breiðir út þessa lands,
ilgeisla signuð sól,
samlofsæl minning hans
þakklátri' í blessun bliðust,
hvers góðs minn lífa' í hjarta manns.

Dygð og samleikur meðan mamma
maklegan góðra lofspris fá,
guðs meðan spekin sjer hið sama,
og samleika hefur mætur á,
lifir í blessun lofstir þinn!
lofsælstur Íslands biskupinn.

Vegsamist guð! er vel og leingi,
valnemmis dýrsta' að njóta gaf;
oss biðjum: bestur aptur feingi
alvaldur slíkan hjálparstaf.
Guðs ást því fyr er gaf oss þann,
gefa enn hans líka vill ef kann.

X.

STEINGRÍMUR biskup JÓNSSON

1.

Rendu farnóði
ferðamaðnr
aðgættu anga
að minnum bláum
dröfn hvar dimmrödduð
dæsir þúngan
og harma ljóð
við hauðrið kveður.

2.

Stendur þar steinhús
á ströndu grænu,
einmana og auðkennt
frá öðrum bygðum,
þakin er bust þess
þoku mekki,

renna af súð ofan
svita lækir.

3.

Reistar standa rúnir
roða dreira
og harma fregu
að-hjarta bera
brátt er himn blíði
biskup horfinn
Steingrímur Jónsson
stýrir friðar.

4.

Sú er sorg þýgst
er sögð er eingom
og byrði ljettbærnst

er bera margir —
sárt er bøl þetta
og særir alla
auðga sem vesla
á Ísalandi.

5.

Dulinn er jeg þess
hvert dæmumður
hafi nokkur
harmadri verið,
ofþung væri byrðin
einum manni
því allir fá naumast
undir staðið.

6.

Því að hauðri ljúpe
höfðingi mikill
er sjer jafnoka
átti fáa,
frægur að fróðleik,
fyrirmynd allra

að gestrisni, stillingu
og göfnglyndi.


7.


Eins var árveknin
óþreytandi,
sístöðng rækt
og reglusemi,
þvi er at undur
þótt ektamaki,
vinir og náúngar
væti hvarma.

8.

Hrellir oss helgustur,
er úr hjarta þínu
blíðan anda
í burtu nam.
þó skal bøl bæta
hin bezta von:
að finnumst heilir
á fegins landi.

G. T O R F A S O N.







Lbs - Íslandssafn



100438953 - 5

